

VALPELLINE

Lo racar de La Nouva

Can te lo apersèi i ditor di tsemeun
Semble i mitcho di pouette tellamente l'è dzen.
Sparèi finque lo gri de la nitta,
Te torne vére le mèizòn de la montagne
É lo racar l'è fran lé a sa plasse
É lo noureun épetaillà
Tanque i famicillo protso de Djouie.

Le-z-ommo l'an tramou-lo
Tan de-z-àn fé
Doàn que l'éve de Plasse-Mouleun
L'isse poussi lo tousi.
Can paso per lé vou lo troué.

Lèi ioundo a l'entor,
Lloutso pe le siclle,
Totso si bouque rouido é ner.
Cllouzo le joué é acouto.
« L'è vrèi que si vioù,
Vioù mé contèn de mon sor,
Si l'anje gardièn
De si lacque que n'i vu nétre.

Seutta éve que pouye, que bèisse,
Que tsandze couleur selòn le sèizòn,
Que danse aoutre é eun sé,
Que tchoueu le dzor me brise,
Que me sopèn é me pourte bièn llouèn,
Avouì na mezeucca
Levetta comme na gnoula ».

Can torno ivri le joué
La leunna é le-z-itèile s'ameurion
Pe salla éve viteuvva d'ardzèn.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Texte écrit par:
Agnès Ansermin

Texte inédit - 2003
Rédacteur : **Agnès Ansermin**
Transcription : Guichet Linguistique